

295

VIRTUTI AC MERITIS
VIRI
MAGNIFICI, AMPLISSIMI,
CONSULTISSIMIQUE
DOMINI
REINHOLDI
THEODORI
Schönwald

AD DIGNITATEM
PRÆ-CONSULIS, PRÆSIDIS ET
PROTOSCHOLARCHÆ

d. VII. Maij A. MDCCXXXII.

FELICITER ERECTI,

APPLAUDERE VOLEBANT
VENERABUNDÆ.

MUSÆ THORUNENSES.



THORUNI
Impressit Joh. Nicolai NOBILISS. SENAT. & GYMN.
Typographus.



Am natura novos habitus faciemque venustam
Induit, & veris cultus ubique nitet.
Concutiunt Zephyri madidantes nectare pen-
nas,
Quave volant herbas dædala mittit hu-
mus.

Ac veluti quando rapta est Proserpina, totus
Risit ager, florum riserat Henna parens.
Hinc invitabant violæ ferrugine tinctæ,
Pæonia & suavi lilia mista thymo:
Inde Iris, Pæstana rosa & vaccinia, calthæ,
Narcisso & tenui juncta ligustra croco.
Sic, dum Majus adest, spirat fragrantior annus,
Arbor habet frondes, pabula gignit ager.
Flora caput redimit, nescit numerare colores,
Florum etenim numero copia major adest.
Nec tamen ipsa sibi soli connectere sertum
Adsolet, hinc apibus portio magna venit.
Hæ quoties regi libuit sua castra movere,
Hortorum varias depopulantur opes:
Illæ crura quidem cælesti nectare stipant,
Suaviter & passim murmura rauca sonant.
Interea intendens centenis vocibus auram
Gutturæ prædulces dat philomela sonos.
Et jam grande sonat, subito jam tinnit acutum,
Integrat, abrumpit, conduplicatque melos.
Alituum genus omne canit, voce aëra pulsat,
Per saxa & silvas vocis imago redit.
Quando igitur prata haud uno stellata colore
Ipse opifex dia pingit ad usque manu:
Hunc mens plena Deo merito veneratur, & inde
Contra atheos discit constabilire fidem.

Nil

Nil quia fortuitis atomorum nexibus ortum est,
Omnia sed nutu stantque caduntque Dei.
Sic rerum natura quidem mutare quotannis
Cuncta solet, tellus qua pelagusque patet.
Experiuntur idem fatis moderantibus Urbes,
Bruma ut depulsa lenior aura cadat.
Sic nuper gemuit magnis viduata THORONA
Consulibus, leto quos libitina dedit.
Provida nunc iterum superiorum cura Parentes
Fert alios, Urbis qui pia sceptrum gerant.
Hos inter primas tenuit SCHOENWALDIA virtus,
Condita cui pridem sella curulis erat.
Huic cessit trabeatus honos Præconsulis atque
Præsidis: unanimes sic statuere Patres.
Hoc Thorunenses mox audivere Quirites,
Plausu & tergemino talia verba dabant:
Clementes superi! nondum pia cura fatiscit,
Nondum concidimus, vota que lata fluunt.
Illi etenim fasces atque urbica fræna dedistis,
Cujus amor recti est atque probata fides.
Hic vires animi patriæ profundet in usus,
Hoc commune bonum Præsides perpes erit.
Hic tranquillus aget, quod non violentia mentis,
Non ira aut odium conciliare potest.
Summis & mediis similem præstabit ubique,
Canities animi pondera magna dabit.
Hunc nobis servate diu, supponite palmas,
Ferreæ vis adsit si duplicatur onus.
Nulla unquam turbent urbana Ceraunia, semper
Sit terror pravis, præsidiumque bonis.
Audiit hæc Helicon, & cæpit reddere plausus,
Quod sibi sit prudens PROTOSCHOLARCHA datus.
Eja

Eja Heliconiades, ad gaudia sœta redite,
Incipiet tandem lætior ire dies.
Ereptus fuerat fatali cæde Palæmon,
Alter sponte suo cessit ab officio:
Funere mox alium Lachesis demersit acerbo,
Hocque Helicon orbis fidere congemuit.
Sed nova lux oritur: SCHOENWALDI vivida virtus
Musarum in tenebris Phosphorus alter erit.
Dicite: mactæ animi PRÆSES & magne SCHOLARCHA!
Te, quod speramus, sospite vita redit.
In melius facies iterum est mutata Lycei,
Quove viges, iterum vivitur ingenio.
Abdita Prussiæ terræ pernoscere jura
Ac leges Themidis, gloria prima Tua est.
Regnorum historias calles, quid secula prisca
Attulerint, vel quid secula sera ferent.
Multa etiam expromit studiis arcana Matheſis
Culta, quibus Patriam condecorare queas.
Utere doctrina, lapsis succurrito rebus,
Iam Pallas spondet maxima quæque sibi.
Vive diu felix! nunquam Te ruga senilis
Curæque infestent, livor & invidia.
Fama Tibi pomen, vires pia cura ministret
Numinis, ut placide grande feratur onus.
Denique & in Nato magni Genitoris imago
Splendeat, amplifitet spesque salusque Domum.
Sic magnum Te Numen amet: viventque Camœnæ
Te Duce, Te salvo salva Minerva stabit.

—[O]—